

Որպիսի է և կնքաւոր թուղթ թագաւորին՝ *Միզել* կոչի ՚ի մերոցս. և նշանակէ կնիք՝ ըստ լատին բառի (Sigillum): Ի լատին հրովարտակս և ՚ի թուղթս, քանզի չունինք հայերէն բնագիրս, յորժամ առ օտարս էին ուղղեալք՝ գրէր «**ԼԵՈՆ** շնորհօքն Աստուծոյ *Թագաւոր Հայոց, որդի Ստեփանէի, ՚ի հզօր ազգէ Ռուբինեանց*». (այսպէս առ Գենուացիս, Վենետկեցիս¹⁰⁷, և այլն). իսկ յորժամ առ Քահանայապետն Հռովմայ գրէր և առ կայսր, յաւելոյր ընդ աստուածայնոյն և *հռովմական կայսեր* շնորհօքն. Et (per) Romani imperii gratiam. Բայց ՚ի յետին ամս երեւի դադարեցուցեալ գլխատակ կայսեր, զոր և ոչ ոք ՚ի յաջորդացն գրէ. քանզի այնուհետեւ ՚ի հարց յորդիս անցանէր ժառանգութիւնն, և ոչ ումեք օտարի լինէր լիճ կամ արգադիր:– Ճշգրտագոյն եւս՝ տեսաք ՚ի հրովարտակս և ՚ի պարգեւագիրս յաջորդացն Լեւոնի, զբիւզանդական կայսերաց ոճ վերտառութեան, գրեալ **Ա. Ա. Հաւատարիմ ՚ի Քրիստոս** Թագաւոր Հայոց. որպէս ՚ի Հեթմոյն (յեջ 207), ՚ի Դ Լեւոնի (յեջ 363), և ՚ի հաւու նորա Բ Լեւոնի (յեջ 387), որ փոխանակ *հաւատացեալ* բառի՝ վարէ *զՃշմարիտ* ծառայ Աստուծոյ. և անվրէպ յարի՝ *շնորհօք* և *ողորմութեամբ նորին*:– Յետինքդ յաւելուն զշուք իշխանութեան իւրեանց՝ գրելով զինքեանս «Թագաւոր **ամենայն** Հայոց»: Այս պանծալի հանրական կոչումն (*Ամենայն*) միայն ՚ի խորագրի առաջնոյ թղթոյ մերոյս Լեւոնի առ Պապն գտանի, և ոչ բնաւ յայլ թուղթսն կամ ՚ի պարգեւագիրս. արժանի դիտման և քննութեան է այդ¹⁰⁸: Իսկ ՚ի

¹⁰⁷ *Leo Dei gratia Rex Armeniorum, filius Stephani, et de potenti genere Rupinorum; կամ, օւ: Leo, filius Stephani, de potenti genere Rupinorum, Dei gratia Rex Armeniorum.*

¹⁰⁸ Առ թագաւորութեամբ Լեւոնի՝ մեծ մասն ազգիս մերոյ ընդ իշխանութեամբ էր Մէլչուկեանց և Վրաց՝ ՚ի Մեծ Հայս, ՚ի Փոքրն՝ ընդ սուլտանօք Իկոնիոնի, Մեքաստիոյ, Կարնոյ, և այլն. յորոց վերայ չունէր ինչ տէրութիւն թագաւորն Սիսուանայ. յետ նորա՝ հզօրագոյն տէրութիւն Թաթարաց գրեաթէ նուաճեաց, հանդերձ այլովք, զամենայն Հայս, և նաեւ զՍիսուան. ապա թագաւորք սորին չունէին իրաւունս կոչելոյ *Ամենայն Հայոց*, Բայց եթէ այնու մտօք զի ոչ գոյր այլ ուրեք թագաւոր Հայ՝ բաց յինքեանց, կամ զի թերեւս այնու պատուական անուամբ յիշեալք լինէին յաղօթս եկեղեցւոյ՝ զոյգ ընդ կաթողիկոսին ամենայն Հայոց: Սակայն անկ է հաւանել, եթէ Լեւոն և յաջորդք իւր՝ ոչ լոկ Հայոց Կիլիկեան մարզից ճանաչէին իսկապէս թագաւորք, այլ և մերձաւորացն որք ՚ի զանազան վիճակս արեւմտեան իշխանաց երկրին Ասորոց և որք ՚ի Կիպրոս. զորոց բնակիչս տեսանէմք ՚ի յիշատակարանս գրոց՝ սերտագոյն իմն *մէր* կոչել զթագաւորս Սոյ, կամ բացարձակապէս՝ *զթագաւորն Հայոց*:– Ըստ այսմ տեսութեան՝ գլխաւոր կենդրոնք կամ գաղթականք Հայոց՝ յորս փայլէին շառաւեղ թագին Սիսուանայ, են Ա. ԵՐՈՒՍԱՂԵՍՍՅԻՔ, որոց բարգաւաճանք յերկրի անդ սրբում՝ կանխէ սակաւութ քան զգալուստ Ա Խաչակրաց, առ Գրիգորի մեծաւ Վկայասիրաւ: Չատ ՚ի մերայոցս գրչաց՝ յիշեն գնոսա յաճախ և արեւմտեայք, և Ասսիգքն Երուսաղեմի, և ցուցանեն